

Ang rebolusyonaryong armadong pakigbisog sa katawhang Pilipino alang sa nasudnon ug pangkatilingbang kalingkawasan sa minglabay nga 50 ka tuig

Gipagawas kini nga artikulo isip kaparte sa pagsaulog sa ika-50 nga anibersaryo sa pagkatukod sa Bagong Hukbong Bayan niini nga tuig ug gihubad sa Larab alang sa mga mambabasa sa Cebuano. Mabasa usab kini sa website sa National Democratic Front-Eastern Visayas Media Office sa www.evsirang.blogspot.com.

Ni Jose Maria Sison
Tagtukod nga Tsirman
Partido Komunista ng Pilipinas
March 29, 2019

Tugoti akong maghimo og dalikyat nga pagbalik-tan-aw sa rebolusyonaryong pakigbisog sa katawhang Pilipino alang sa nasudnon ug pangkatilingbang kalingkawasan sa minglabay nga 50 ka tuig. Dun-an nako ang paglambo sa Bagong Hukbong Bayan (BHB) ilawum sa pagpangulo sa Partido Komunista ng Pilipinas (PKP) sa usa ka hamubo nga pangkasaysayang pag-asoy sa lima ka parte, lakip ang mga umaabot isip katapusang parte.

Mga Tuig sa Pagpundar, 1969 – 1977

Gitibuok sa Komite Sentral sa Partido Komunista ng Pilipinas ang Bagong Hukbong Bayan isip nangunang instrumento sa pagpukan sa semikolonyal ug semipyudal nga nagharing sistema pinaagi sa malanatong gubat sa katawhan subay sa demokratikong rebolusyon sa katawhan batok sa imperyalismong US ug lokal nga mapahimuslanong mga hut-ong sa dagkong komprador ug agal-long yutaan.

Gitukod sa PKP ang Bagong Hukbong Bayan sa Barrio Sta. Rita, Capas, Tarlac kaniadtong Marso 29, 1969. Sa pagsugod, diha lang kiniy 9 ka riple ug 26 ka mas menos nga kalidad sa pusil alang sa 60 ka Pulang manggugubat nga gilangkob niadtong gikan sa daang hukbong bayan ug sa mga bag-ong rekluta gikan sa Manila ug Isabela nga kanhi pa nahatagan og politiko-militar nga treyning.

Ang mga rekluta gikan sa Manila mga sakop sa PKP ug Kabataang Makabayan nga naggikan sa nagkadaiyang



mga rehiyon ug gilantaw nga maoy mag-umol sa BHB sa matag nila ka rehiyon pagkahuman sa ilang pagserbisyo sa Tarlac. Ang mga rekluta gikan sa Isabela gihatagan og prayoridad sa pagpadala ngadto sa ilang prubinsya alang sa katuyuang pagpalapad sa PKP ug BHB. Gilakipan sila og usa ka senyor nga kadre nga may taas na nga kasinatian sa armadong pakigbisog ug masang buluhaton sa Sentral Luzon.

Pwedeng ilhong mga tuig sa pagpundar sa BHB ang mga tuig 1969 ngadto sa 1977. Mga tuig kini alang sa pang-ideolohiyang pagtuon alang niadtong mga kadre sa PKP nga giasayn sa BHB, politiko-militar nga treyning alang sa mga Pulang kumander ug manggugubat ug ang pagdeploy sa mga tem pang-ekspansyon ngadto sa nagkadaiyang mga rehiyon ilawum sa direksyon sa Sentral Komite sa PKP.

Giporma ang Nasudhong Pang-operasyon nga Kumand sa BHB ilawum sa Komisyon Militar sa Sentral Komite sa Partido. Gitakdang maporma ang mosunod nga mga departamento: pangpulitikang edukasyon, pagplano, personel ug treyning, intelidyens, operasyon militar, pro-

duksyon, lohistika, ordnans ug medikal.

Pagaumolon usab ang mga Rehiyunal nga Pang-operasyon nga Kumand ilawum sa pagpangulo sa mga Komite sa Partido sa Rehiyon. Nahitakda usab nga pagaumolon ang mga pangprubinsya ug pangdistritong mga kumand sa operasyon sa mga nahitungdang nangulong teritoryal nga mga komite sa Partido.

Natreyning ug nagkaadunay kasinatian ang BHB sa paglunsad og gerilyang pakiggubat ug sa paghimo ug buluhatong masa, nga naglakip sa pangmasang edukasyon, masang pag-organisa, reporma sa yuta ug produksyon. Panglawas ug kalinisan, pangkultura nga buluhaton, pagdepensa sa kaugalingon sa katawhan, arbitrasyon ug hustisya, pagtabang panahon sa katalagman ug pagpanalipod sa kinaiyahan.

Gikan sa 1969 ngadto sa 1971, minglambo ang rebolusyonaryong armadong pakigbisog sa Tarlac, diin gikombinar ang gerilyang mga taktikal nga opensiba ug masang buluhaton hangtud nga naabot ang armadong kusog sa BHB ngadto sa sobra 200 awtomatik nga riple nga nakumpiska gikan sa mga pwersa sa kaaway pinaagi sa mga ambus ug reyds.

Sa dihang mingbalhin ang sentral nga liderato sa PKP ngadto sa Isabela gikan sa ulahing bahin sa 1970 ngadto sa 1972, nagsugod lang ang BHB sa 20 ka awtomatik nga riple ug mingdaghan kini ngadto sa sobra 300 sa pagka 1974. Ginatos ka kadre sa PKP ang nahatagan og politiko-militar nga treyning alang sa ekspansyon ngadto sa bagong mga erya sa nagkadaiyang mga rehiyon. Napadala ra unya kini nga mga kadre ngadto sa mga prubinsya sa Cagayan Valley, Ilocos-Montañosa-Pangasinan, Central Luzon, Southern Luzon, Visayas ug Mindanao.

Mas daghang mga kadre alang sa ekspansyon ang nahimong abilable kahuman sa 1971 nga pagsuspinde sa *writ of habeas corpus* ug unya sa pagdeklarar sa *martial law* kaniadtong 1972 tungod kay ming-anib sa BHB ang mga nakabase-sa-syudad nga mga masang aktibista nga nameligrong madakop. Dugang pang ubay-ubay nga mga *underground* nga kadre ilawum sa Pangkinatibuk-ang Kalihiman sa PKP ang napadala ngadto sa nagkalainlaing rehiyon kaniadtong 1974. Napadali ang nasudnong ekspansyon sa PKP ug BHB sa Kabataang Makabayan, mga unyon sa mamumuo ug mga asosasyon sa mag-uuma.

Sa ingon katemprano sa 1972, ang mga rehiyunal nga komite sa PKP ug mga rehiyunal nga kumand sa operasyon sa BHB natukod na sa Cagayan Valley, IMP, Central



Luzon, Southern Luzon, Eastern Visayas, Central Visayas, Western Visayas ug Mindanao. Sa misunod nga katuigan, minglutaw ang mga rehiyunal nga kumand sa operasyon sa BHB didto sa Cagayan Valley, Cordillera ug Ilocos, Southern Luzon, Western Visayas, Central Visayas ug Eastern Visayas. Ug kaniadtong 1976, gisugdan na sa rehiyunal nga Komite sa Partido sa Mindanao ang pagtukod sa pipila ka pangrehiyon nga kumand sa operasyon sa BHB.

Sa mga tuig sa pagpundar gikan sa 1969 ngadto sa 1977, ang pokus sa pinakamakanunayon ug pinakamalampuson nga mga taktikal nga opensiba nagbalhin-balhin sa nagkalainlaing rehiyon, depende sa pagkamalampuson sa masang buluhaton ug sa kamapangahason sa mga Pulang kumander ug manggugubat. Gikan sa 1969 ngadto sa 1971, ang pokus didto sa Tarlac; gikan sa 1972 ngadto sa 1975, Isabela, Ifugao, Quirino, Aurora, Pampanga, Bataan, Quezon, Camarines Sur, Albay, Sorsogon, Negros ug mga prubinsya sa Panay; ug gikan sa 1975 ngadto sa 1977, Samar ug pipila ka prubinsya sa Mindanao.

Sa pagka-1977, ming-abot ang armadong kusog sa BHB sa lebel sa 1,500 awtomatik nga riple. Apan mingpondo ug mingluya ang BHB sa Isabela tungod sa sayop sa pagdugay og maayo sa dili tawuhon nga lugar sa lasang gikan sa 1974 ngadto sa 1976, luyo sa mando sa sentral nga pangulohan ngadto sa pangrehiyon nga komite sa Partido sa pagbalhin sa mga kumpanya sa BHB ngadto sa prubinsya sa Cagayan. Apan ang pagpondo sa BHB sa Isabela natugbangan sa pagtubo niini sa ubang lugar sa Cagayan Valley, Northern Luzon ug sa tibuok nasud.

Dugang nga Pagtubo ug mga Mayor nga Kasaypanan, 1978-1991

Ang lig-ong pundasyon nga napahiluna sa tuig 1969-77 ug ang kadaghan sa mga sakop sa PKP ug BHB nga



naghupot sa teorya ug praktika sa Marxismo-Leninismo-Maoismo, sa kinatibuk-ang linya sa demokratikong rebolusyon sa katawhan ug sa pang-organisasyong disiplina sa demokratikong sentralismo ming-ubay sa nagkagrabeng sosyo-ekonomiko ug pangpulitika nga krisis sa nagharing sistema ug maoy nakaingon sa padayong pagtubo sa BHB ngadto sa 3,000 awtomatik nga riple sa 1981 ug unya ngadto sa 5,600 awtomatik nga riple sa 1985.

Giseguro sa sentral nga pangulohan sa PKP nga kung kanus-a manginahanglan ang pila ka mas luya nga rehiyon og suporta ug tabang sa kadre ug armas, makuha kini nila sa mas kusganong mga rehiyon. Sa dihang mingkusog ang mga pwersa sa BHB sa Eastern Visayas gikan sa 1976 ngadto sa 1979, gideploy sa Partido ang ubay-ubay sa iyang mga kadre, manggugubat ug armas ngadto sa Negros ug Mindanao kaniadtong 1979. Apan kanunay mang giawhag ang BHB sa matag rehiyon nga magsapraktika sa pagsalig-sa-kaugalingon ug motubo pinaagi sa pagpakigbisog.

Ang pinamaayong mga rehiyon sa hisgutanan sa kasubsub ug kamalampuson sa mga taktikal nga opensiba gikan sa 1981 pataas mao ang Eastern Visayas, Mindanao, Negros, Northern Luzon, Bicol ug Central Luzon. Ang pinakapektibong mga pormasyon sa kombatan mao ang mga kumpanya o platun nga mapun-an sa mga armadong tem pangpropaganda ug napangulohan sa mga kumander nga batid sa pagplano ug mapangahason.

Nagkaadunay maayong balanse ang mga pwersa sa BHB sa mga rehiyon sa Eastern Visayas, Bicol, Southern Tagalog ug Cagayan Valley sa relatibong konsentradong pwersa (bertikal) ug relatibong nakadispers nga pwersa

(horisontal). Nagpasabot usab kini sa maayong balanse tali sa opensibang kakayahan ug baseng masa. Gihup-tan sa Partido, pangmasang mga organisasyon ug mga organo sa gahum pangpulitika ang daghang trabahuon sa mga yunit sa BHB nga naghatag niini kanila og mas dakong panahon ug oportunidad sa paglunsad og mga taktikal nga opensiba.

Gikan sa 1981 hangtud 1985, ang BHB sa Mindanao maoy nakaangkon sa pinakadaghan ug pinakadagkong kadaugan sa mga taktikal nga opensiba sa dihang gipadaghan niya ang iyang mga kumpanya ngadto sa lima. Apan ang dugang nga paspas nga pagtukod sa napulo pa ka kumpanya ug ang wala sa panahon nga bertikalisasyon sa pwersa gihimo sa kawala sa paghatag og atensyon sa buluhatong masa ug sa pagpalig-on sa baseng masa. Dautan ang nahimong resulta sa “Wala” nga oportunistang sayop.

Nakita sa Plenum sa KS sa 1985 nga ang armadong kusog sa BHB sa tibuok nasud sa 1985 ming-abot sa lebel sa 5,600 awtomatik nga riple ug dugang pang mingdaghan ngadto sa 6,100 awtomatik nga riple sa 1986 ug dugang pa gayud nga nadugangan og pipila ka gatos sa 1987. Mingdaghan ang armadong kusog sa BHB sa tibuok nasud tungod sa tukmang linya, kahanas, kaisog ug taas nga diwa sa pagsakripisyo ug pagsilbe sa katawhan sa mga kadre ug sakop sa PKP ug sa mga Pulang manggugubat ug kumander ug sa nagkapaspas nga pagkadunot sa pangkatilingbang mga kondisyon ug sa nagtaub nga pagpakigbisog sa katawhan batok sa pasistang diktadurang Marcos.

Nakab-ot ang mga kadaugan luyo sa pagtumaw sa mga sayop nga ideya ug mayor nga mga kasaypanan sa sentral nga pangulohan sa PKP ug sa pipila ka rehiyunal nga Komite sa Partido. Niadtong 1979 may minglutaw nga ideya sulod sa KS sa PKP nga ang gubat sa katawhan diha na sa abanteng yugto. Nahiadto kini sa dugang nga ideya nga taliabot na “ang ang-ang sa estratehikong kontra-opensiba.” Walay gisukaran nga kamatuoran ang maong ideya ug wala kini mahitabo apan nakaaghat kini og nagkadaiyang mga “Wala” nga oportunistang tendensya sa paghunahuna kabahin sa mga paglaktod ngadto sa hingpit nga kadaugan.

Sa ingon ka temprano pa sa 1981, may naglibot na nga suhetibong ideya sa pipila ka sakop sa KS nga nagmalampuson ang pasistang diktadurang Marcos sa pagliwag sa Pilipinas ngadto sa usa ka industriyal nga kapitalistang nasud. Nagpalutaw kini og Tuo ug “Wala” nga oportunistang mga tendensya.

Buot sa Tuong oportunistang tendensya nga wagtagon ang pagpangulo sa PKP ug sa hut-ong mamumuo

sa National Democratic Front ug himuong prinsipal nga pakigbisog ang legal nga porma sa pakigbisog sa armadong pakigbisog sa ilang pagyukbo sa mga anti-Marcos nga mga reaksyunaryo. Sa pagsugod, nagsukad ang “Walang” oportunistang tendensya sa sayop nga ideya nga naabot na sa BHB ang “abanteng yugto” sa estratehikong depensiba ug kaya nang ipatuman ang mosunod nga estratehikong kontra-opensiba.

Ang pinakanakadaut nga linya mao kadtong sa “Walang” oportunistang *Red Area-White Area* (RAWA) nga linya sa Mindanao, nga nanawagan sa mga welgang bayan sa mga urban nga lugar, pagpakusog sa armadong partisanong pakiggubat sa kasyudaran ug sa wala sa panahon nga regularisasyon sa BHB ug himuon na lang kining usa ka hingpit nga militar nga pwersa.

Sa dihang nagresulta og mga kapildehan ang linya, gipalutaw sa mga “Walang” oportunista ang kalisang, gihan-ok ang pasangil sa mga kapildehan ngadto sa mga “deep penetration” (lawum nga nakasulod o DPA) nga mga ahente, ug nagpahamtang og silot sa mga gidudahang mga kadre ug masang aktibista nga walay “due process” (kaangayang pagproseso) pinaagi sa Kampanyang Ahos. Isip resulta sa “Walang” oportunistang kasaypanan, mingkupos og maayo ang baseng masa ngadto sa sobra 50 porsyento didto sa Mindanao ug namenosan ang armadong kusog sa BHB og sobra 1,000 awtomatik nga riple.

May nahitabong susamang “Walang” oportunistang kasaypanan nga gisundan sa anti-DPA nga mga “witch hunt” (walay sukaranang mga imbestigasyon batok sa mga gitahapang kaaway) sa ubang mga rehiyon apan sa mas menos nga kalangkoban sa nagkadaiyang panahon sa isla sa Negros, Manila-Rizal, Southern Tagalog, Cordillera ug Cagayan Valley. Ang sagad nga nahitabo mao nga ang napundar nga kusog sa BHB ug ang kadaghanan sa mga maayong kadre ug sakop padayong nakapangibabaw sa “Walang” oportunismo ug sa paglutaw sa anti-DPA nga kalisang.

Unya gikan sa 1986 ngadto sa 1989 gisunod na usab sa mga “Walang” oportunista sa sentral nga lebel” ang linya nga makab-ot lamang ang hingpit nga kadaugan kung may tabang militar gikan sa gawas; kay kung dili kuno, mopondo ang rebolusyon ug unya mapilde na. Sa dihang napakyas ang mga paninguhang magpasulod og armas, nademoralisa sila ug gikuyogan na sa mga Tuong oportunista sa pagbatok sa estratehikong linya sa malanatong gubat sa katawhan.

Pagtul-id ug Subling Pagpakusog, 1992-2001

Gikan sa 1992 ngadto sa 1998 nasalbar sa Ikaduhang Gamhanang Kalihokang Pagtul-id (IGKP) ang PKP, ang BHB ug ang tibuok rebolusyonaryong kalihokan sa posibleng kinaugalingong-pagkabungkag o pagkalumpag sa kamot sa kaaway. Diha sa mga yaweng pusisyon sa PKP ang Tuo ug “Walang” mga oportunista ug minggamit niini sa pagpaluya ug pag-atake sa Marxismo-Leninismo-Maoismo ug sa kinatibuk-ang linya sa demokratikong rebolusyon sa katawhan.

Nagyinawyaw ang mga Tuong oportunista kabahin sa “popular nga demokrasya” aron atakehon ang nangulong papel sa proletaryado ug sa PKP sa rebolusyon. Gibasol nila ang linya sa malanatong gubat sa katawhan sa kuno kapakyasan nga mamahimong kaparte sa pagpangibabaw sa rehimeng Aquino sa pasistang diktadurang Marcos. Nagpinutakputak sila sa mga Gorbachovite, Trotskyite, burges-liberal ug uban pang petiburges nga mga dalagan sa panghunahuna.

Gibasol usab sa mga “Walang” mga oportunista, ilabina ang pinakayawitang mga urban nga insureksyunista, ang estratehikong linya sa malanatong gubat sa katawhan sa kuno kapakyasan sa BHB sa pag-ilog sa gahum o pakakuha og dako-dakong bahin niini antes mahingpit sa partidong Aquino ang paghupot sa gahum.

Nagnginalngal ang mga “Walang” oportunista sa kinatas-ang mga pusisyon nga aron malikayan ang pagkapondo ug kapildehan, kinahanglang makabenepisyo ang BHB sa importasyon sa armas, bisan kung ilhon ang Unyon Sobyet nga dili na rebisyunista ug sosyal-imperyalista aron lang kini makuha. Sa susamang panahon, gipalubog nila ang dautang mga resulta sa ilang linya sa Mindanao, nga naglakip sa *witch-hunt* nga ginganlan og Kampanyang Ahos.

Antes pa ang paglunsad sa IGKP sa 1992, nagmalampuson na ang sentral nga pangulohan sa pagbatok sa “Walang” oportunistang mga sayop ug sa anti-DPA nga *witch-hunt* sa sunod-sunod nga mga rehiyon. Apan kinahanglan gihapong ilunsad ug ipatuman ang IGKP aron komprehensibo ug hingpit nga masaway, masalikway ug matul-id ang mga sayop pinaagi sa usa ka kalihokang pang-ideolohiya ug pangpulitikang edukasyon. Kay kung dili, makapadayon ang mga sayop sa pagpaluya ug pagguba sa Partido.

Nag-atubang og mga kalisdanan ang IGKP tungod kay sa kinatibuk-an nag-usa ang mga “Wala” ug Tuong oportunista sa pag-atake sa Partido ug paghikaw sa mga tawohan ug rekurso sa Partido nga kontrolado nila. Apan nakapangibabaw ang mga matinud-anong mga kadre ug sakop sa Partido ug ang mga Pulang kumander ug manggubat. Mingtrabaho sila og maayo ug nagmalampuson

sa pagrekober sa kadaghanan sa tawohan sa Partido ug baseng masa nga nawala tungod sa mga sayop, krimen ug pangguba nga mga operasyon sa “Walang” mga oportunistang.

Gikan sa 1994 hangtud sa 1998, nakayang irekober sa mga pwersa sa Mindanao ang kadak-an sa armadong kusog ug baseng masa nga nawala kaniadtong ikaduhang katunga sa 1980s. Nakaya nilang ipabilin ang pipila ka kumpanya sa BHB sa pipila ka gerilyang prente sa usa ka tukmang nabalanseng relatibong konsentradong pwersa alang sa epektibidad sa mga taktikal nga opensiba ug sa relatibong dispers nga pwersa sa pagseguro sa igong gilapdon ug giladmong baseng masa. Sa pagka-1998, naka-angkon og tataw nga dungog ang First Bagani Company sa pagkadakop niini sa usa ka brigadier general sa nataran sa panggubatan.

Nahitabo ang pagrekober ug subling pagkusog sa BHB sa nagkadaiyang rehiyon nga naigo kanhi sa “Walang” oportunismo. Nalabwan sa lebel sa kusog sa BHB sa 1998 ang lebel antes ang 1992. Diha kadtoy sobra 110 prenteng gerilya sa tibuok nasud, kasagaran mga platon inay mga kumpanya isip kinatibuk-ang pwersa kada prente.



Sa National Capital Region, mingtubo ang kusog sa mga pwersa sa nasudnon demokratikong kalihokan hangtud nga nakaya niining maglunsad og mga protestang aksyong masa nga sa katapusan maoy nakapugos ni Estrada nga layasan ang palasyo sa presidente ug sa ingon nagresayn sa iyang pusisyon. Usa kini ka magilakong kadaugan sa IGKP.

Pagtubo, Konserbatismo ug Pagsulong, 2002 – 2019

Gilangkob kining panahona sa mga rehimeng Arroyo, Aquino ug Duterte nga naglunsad og mapintas nga mga atake sa BHB ug sa tibuok rebolusyonaryong kalihokan. Napakyas sa BHB ang tanang estratehikong pang-operasyong plano nga nagtumong sa pagguba niini. Napreser-

bar ug napatubo niini ang iyang kusog luyo sa mga estratehikong opensiba sa kaaway, sama sa Oplan Bantay Laya ni Arroyo, Bayanihan ni Aquino ug Kapayapaan ni Duterte.

Isip resulta sa IGKP, padayong mingtubo ang armadong kusog sa BHB sa lig-ong mga riple ug mingpungkay kini sa 2005 ngadto sa lebel nga naglahos pa sa mas tempranong 1987 nga pungkay og pipila ka gatos. Apan, gikan 2005, mingkubos ang kusog sa BHB og 21.6 porsyento sulod sa misunod nga upat ka tuig hangtud 2009.

Mingtubo na usab og pipila ka gatos ang armadong kusog sa BHB sa awtomatik nga mga riple o mga 11 porsyento nga tinibuok nga pagtubo sa misunod nga pito ka tuig, 2009-2016 apan nagpabiling ubos sa 12.6 porsyentong ubos sa pungkay sa 2006. Dugang mingtubo og 9 porsyento ang kusog sa BHB sa ikaduhang katunga sa 2016 apan nagpabilin diha sa 4 porsyento nga ubos sa pungkay sa 2005. Gikan sa katapusan sa 2016 hangtud Agosto 2017, mingtubo ang BHB og sobra 8 porsyento ug gilahosan ang kanhing 2005 nga pungkay og 3 porsyento.

Bisan sa todo-todong gubat sa rehimeng Duterte gikan sa pagpadayon niini sa kang Aquinong Bayanihan ngadto sa pagsagop niya sa kaugalingong dinesyong-sa-US nga Oplan Kapayapaan, nagtubo ang kusog sa BHB. Nagpabilin ang BHB sa Mindanao nga pinaka-nagbansiwag sa gubat sa katawhan bisan luyo sa gipalawig nga pagpahamtang sa balaud militar sa rehiyon ug sa walay pagtakas nga paggamit sa pagpamomba ug ekstrahudisyal nga pagpamatay aron mapuypoy ang armadong rebolusyon.

Nagmalampuson ang PKP sa paghimo sa iyang ikaduhang Kongreso. Nakaya niining puntong ang sayop sa konserbatismo ug sobrang dispersal sa gagmay nga yunit sa BHB sa lapad nga lugar isip prinsipal nga sayop nga maoy nakaingon sa pagpondo ug pagkagasgas sa BHB ug masang kusog sa Luzon ug sa Visayas. Usa kini ka sayop nga direktang kabalit-aran sa sayop sa “Walang” oportunismo nga minglutaw sa tuig 1981-83 ug mingtubo sa nagkadaiyang mga rehiyon hangtud sa 1992.

Naggikan ang sayop sa maayong katuyuanang palaparon ug paladmon ang baseng masa ug mapalambo ang tanang pangpulitikang mga rekisitos. Ug ang sayop nga tendensya mao ang sobrang pagdispers sa gagmay nga mga yunit alang sa buluhatong masa ug pagpasagad sa nangunang tahas sa BHB, ang paglunsad og mga taktikal nga opensiba aron makakuha og armas gikan sa kaaway ug palig-unon ang BHB.

Ang pagdeploy sa pwersa nga walay relatibong konsentradong pwersa alang sa paglunsad og mga taktikal nga opensiba, ug inubanan sa sobrang dispersal sa gagmay nga yunit sa BHB magresulta sa latagaw o naglutaw nga mga yunit nga sayon nga target sa kaaway ug bulnerable nga mabutang sa lunsay nga dependensiyang mga aksyon. Sa pagkadugmok sa kaaway niini nga mga gagmay nga yunit, ang baseng masa nga namugna niini nila mawala sa kadugayan, bisan man nga abilable pa kining marekober sa umaabot. Ang konserbatismo nagpasabot sa paglikay sa taktikal nga mga opensiba, nga nahuyon sa mga kampanyang plano sa kaaway sama sa Oplan Bantay Laya sa rehimeng Arroyo, kung diin nahiyagum ang BHB og pagkupos sa kusog gikan sa 2005 paunhan.

Sa pagsugod, nagkaadunay kalisdanan ang BHB sa Mindanao sa pag-alkontra sa mga opensiba sa kaaway ilawum sa Oplan Bantay Laya ug unya sa Bayanihan. Apan sa kadugayan nakalahutay sila batok sa kaaway sa epektibong paggamit sa mga batakang taktika sa gerilyang pakiggubat ug pagpakabatid sa arte ug syensya sa mga taktika sa kontra-ensirkulo batok sa pag-ensirkulo sa kaaway nga mas dagko apan may lagyo usab nga latang. May kaalam ang mga Pulang kumander ug manggugubat sa paggamit sa kombinasyon sa baseng masa ug bukiron nga tereyn ug sa kamapangahason sa paglunsad og taktikal nga mga opensiba batok sa maluyang mga bahin sa kaaway.

Sa susamang paagi nga nakabenepisyo sila sa kasinatian ug rebolusyonaryong mga kadre ug kumander nga gikan sa Eastern Visayas kaniadtong 1980s, nagpinaam-bit ang PKP ug BHB sa Mindanao sa bunga sa ilang mga kadaugan sa ilang mga kasama sa Luzon ug sa Visayas, ang ilang kasinatian ug natestingan-sa-gubat nga mga kadre ug kumander, pinaagi sa pagdeploy niini nila ngadto sa mga rehiyon sa Luzon ug sa Visayas. Sukad sa 2017, nakaya nilang alkontrahon ug lahutayan ang pagpapintas sa mga atake sa kaaway ilawum sa mga kondisyon sa balaud militar.

Naestablisar na ang usa ka kusganon ug tibuok nasud nga sukaranan sa dugang nga pagsulong sa gubat sa katawhan. Posible na karong maglunsad og mas subsob ug mas mapangahasong mga taktikal nga opensiba sa nasudnon nga kalangkoban batok sa mga mahuyang nga bahin sa kaaway. Kini nga mga mahuyang nga bahin anaa sa mas daghang lugar nga kayang ireinpors sa kaaway ug bisan kung nakapokus ang pwersa sa kaaway mabutyag dayon niini ang iyang mga mahuyang nga bahin inig kadeploy niya.

Sukad sa katapusang kwarto sa 2017, nagkaadunay signipikanteng pagdaghan sa mga taktikal nga opensiba

sa BHB sa nasudnon nga kalangkoban tandi sa taas nga panahon antes niini. Human ikonsentra ang 75 porsyento sa ilang kusog sa Mindanao, napadala na og balik sa mga armadong pwersa sa kaaway ang sobra 10 porsyento sa ilang kusog ngadto sa Visayas ug Luzon tungod sa gipapintas nga armadong pagbatok didto.

Mga Panglantaw sa Umaabot sa BHB

Nagtumong ang kasamtangang 5-tuig nga plano (2017-2021) sa Komite Sentral sa pagpasulong sa antipasista, antipyudal ug anti-imperyalistang kalihokan ug sa pagpukan sa tiranikong rehimeng US-Duterte, ug dad-on ang malanatong gubat sa katawhan ngadto sa abanteng parte sa estratehikong dependensiba, aron maabot ang ganghaan sa estratehikong pagkapatas.

Nanawagan ang programa sa pagpakusog sa antipasistang ahitasyon, propaganda, pang-organisasyon nga buluhaton ug mobilisasyon batok sa tinagdanghang pagpamatay ug uban pang kabangis sa terorismo sa estado, ug ang iskema sa pagtukod og usa ka pasistang diktadura pinaagi sa pagbag-o sa konstitusyon alang sa usa ka pekeng pederalismo. Ang pagtukod sa pinakalapad nga nagkahiusang prente ug ang minilyon nga pagpalihok sa katawhan mao ang yawe sa pagpilde sa rehimen sa teror ug kahakog.

Una, nanawagan ang programa sa pagresulba sa disbalanse sa kusog, pagkanap ug pagsulong sa gerilyang pakiggubat tali sa relatibong mas abanteng mga rehiyon sa Mindanao ug niadtong sa Luzon ug Visayas, ug mokab-ot og epektibong kooperasyon ug koordinasyon sa pagpasulong sa gerilyang pakiggubat sa tibuok nasud. Naglantaw ang programa nga magpalambo og 7-10 ka abanteng mga rehiyon, nga ang kada usa may kapin o kulang 2,000 ka pultaym nga mga Pulang manggugubat nga nakakatag sa Luzon, Visayas ug Mindanao.

Ikaduha, nanawagan kini sa abanteng mga rehiyon nga magpalambo og mga sub-rehiyon nga may tulo ngadto sa lima nga nagkadugtong nga gidak-ong kumpanyang gerilyang mga prente, aron magsilbeng angkla ug *rallying point* alang sa inter-rehiyunal ug nasudnon nga pagsulong. Nagbanabana ang programa nga epektibo natong mabatokan ang sustenidong tinagdangkong mga operasyon sa kaaway sa mga abanteng sub-rehiyon nga may usa o duha ka pulsays o andersays nga kumpanya nga may siyam ngadto sa kinse ka horisontal nga platoon sa nagkadugtong o nagkakanit nga gerilyang mga prente, dinugangan sa mga yunit sa milisya sa katawhan nga nakakatag sa pipila ka gatos ka baryo.

Ikatulo, nagtumong ang programa sa pipila ka pilo nga pagpakusog sa BHB ug ipaisa ang kakayahan niining

mopuo sa mga tem ug iskwad sa kaaway, ug sa kadugayan, mga platon niini. Kinahanglan nga ang kada rehiyon ug sub-rehiyon magkaadunay usa ka kumpanya isip bertikal nga pwersa nga nagsunod sa *ratio* nga usa ka bertikal nga kumpanya sa matag siyam ka horisontal nga platon (o 1:3). Kinahanglang magkaadunay mga kampanya sa pagrekluta alang sa pagpadaghan sa mga gerilyang yunit sa BHB ug sa mga yunit sa milisya sa katawhan ug mga kampanya sa pagpalutaw og materyal ug uban pang porma sa suporta.

Kinahanglang mapalig-on ang BHB pinaagi sa pang-ideolohiyang pagpundar, pagpalig-on sa absolutong pagpangulo sa Partido, sistematikong politiko-militar nga treyning ug pagpaysa sa iyang kombat nga kakayahan, sa hisgutanan sa armas ug teknik, aktibong pulitikal nga trabaho aron maisa ang pulitikal nga kapukawan, ang determinasyong makig-away ug opensibang diwa sa mga Pulang manggugubat, palig-unon ang ilang puthaw nga disiplina ug ang ilang suod nga sumpay sa masa.

Nanawagan kini sa pagtukod sa mga kumand sa operasyon gikan sa nasudnon nga ang-ang ngadto sa sub-rehiyon nga ang-ang aron mapalambo ang pagplano, koordinasyon ug pagpamuno sa trabaho sa BHB. Nanawagan usab kini sa pagrekluta sa mga kadre gikan sa mga mamumuo ug sa may edukasyon nga kabatan-unan ug sa pagpalambo, treyning ug promosyon sa mga kadre militar. Nanawagan kini sa dugang nga ekspansyon ug treyning sa mga yunit sa milisya sa katawhan, mga yunit sa pagpanalipod-sa-kaugalingon sa mga masang organisasyon aron mapalambo ang ilang kakayahan sa paglunsad og masang gerilyang pakiggubat. Nanawagan kini sa pagtukod og mga yunit partisano.

Ikaupat, nanawagan ang programa sa pagpapintas sa gerilyang pakiggubat sa tibuok nasud ug sa paglunsad og todong pagbatok sa todong gubat sa kaaway, *gradual constriction* ug *win-hold-win* ug TRIAD nga mga kampanya. Nanawagan kini sa pagpatuman sa mga anihilatibong batangkang taktikal nga mga opensiba aron magpahamtang og solidong mga hapak batok sa kaaway, mosilot sa pinakagrabeng mga pasistang kriminal, paluyahon ang kaaway, kumpiskahon ang iyang mga armas, palig-unon ang hukbong bayan, ipasulong ang antipyudal ug

uban pang masang pakigbisog ug palaparon ang demokratikong gahum sa katawhan.

Nanawagan ang programa sa lig-ong pagbatok sa konserbatismo militar ug pagsalikway sa mga sayop nga ideya nga nakapatumaw sa maong mga kahuyangan sama sa paghinobra og tantya sa kusog sa kaaway ug pagmenos sa kusog sa katawhan ug sa ilang hukbo; pagdili sa sakripisyo ug pagpinangandoy sa mga kahilayan ug kapakyasan sa paghupot sa krusyal nga panginahanglan sa pagpapintas sa gerilyang pakiggubat sa pagpasulong sa ubang militar ug pulitikal nga mga tahas, sa lokalidad ug sa kinatibuk-an; kulang paghatag og atensyon sa mga nangulong komite sa Partido sa buluhatong militar; sobrang kumpanyansa, pagkapasibo, sobrang dispersal sa pwersa ug uban pa. Nanawagan ang programa sa pagmaksimisa sa armadong kusog sa BHB ug sa natagamtaman niyang lawum ug lapad nga suportang masa aron makahatag og mas dagko ug mas subsob nga hapak batok sa kaaway.

Nanawagan ang programa sa pagpalig-on sa mga bertikal nga pwersa isip nangulong pwersa sa BHB sa paglunsad sa mga taktikal nga opensiba. Itandi sa horisontal nga mga pwersa, mas konsentrado ang bertikal nga mga pwersa aron mas dali silang makalihok, sa ilang kaugalingon o kauban sa horisontal nga mga yunit, kung kinahanglanon aron mobanat sa mga nahimulag ug bulnerableng mga yunit sa kaaway. Apan, angay usab nilang sakmiton ang matag higayon aron mapukaw, maorganisa ug mapalihok ang masa, motabang sa paglunsad sa mga kampanyang masa ug pakigbisog, mosalmot sa produksyon ug maghimo og treyning, edukasyon ug pulitikal nga buluhaton tali sa mga panagsangka.

Sa pikas bahin, giseguro sa horisontal o pangprensang gerilyang mga pwersa ang kanap ug intensibong gerilyang pakiggubat pinaagi sa tanang-bahin nga pagpalambo sa gerilyang mga prente sa militar, pulitikal, pang-ekonomiya, pang-organisasyon ug pangkulturang mga nataran. Sa matag higayon, ang pinakamaayo mao nga 60 porsyento sa mga yunit sa BHB nag-atemang sa buluhatong masa ug pang-

pulitikang buluhaton ug 40 porsyento ang nagpatuman sa taktikal nga mga opensiba.

Giklaro sa programa nga ang buluhatong masa sa gerilyang mga prente mao ang tipong armadong propaganda, buot ipasabot, buluhatong militar, taktikal nga mga



opensiba, pagbatok sa mga atake ug operasyon sa kaaway ug pag-isa sa kakayahan militar sa hukbo ug sa katawhan. Nagsilbeng mga sentro-de-grabidad ang mga lokal nga gerilyang pwersa sa mga yunit sa milisya sa katawhan ug sa mga yunit sa pagpanalipod sa kaugalingon sa mga baryo. Kinahanglan adunay usa ka prinsipal nga pangprenteng gerilyang yunit nga magsilbeng angkla ug *rallying point* sa tanang pangkombat nga maniobra ug pagsukol.

Angay nga magresulta ang buluhatong masa sa pagkatukod sa mga lokal nga sanga ug grupo sa Partido, mga komite sa seksyon, mga organisasyong masa ug mga organo sa pangpulitikang gahum, dugang sa mga milisya sa katawhan ug mga pwersa sa pagpanalipod-sa-kaugalingon. Kinahanglang mapaisa ang kakayahan sa mga lokal nga rebolusyonaryong pwersa sa kinaugalingong pagpatuman sa ilang mga tahas aron mamenosan ang bug-at nga gidala sa lokal nga mga armadong pwersa sa pag-ateaman sa mga detalye sa inadlaw-adlaw nga buluhatong administratibo ug magtugot kanila sa pagkonsentra sa nagkadaiyang aspeto sa buluhatong militar.

Nanawagan ang programa sa paglunsad og maayong pagkaplanong mga taktikal nga opensiba nga nagtumong sa pagpuo sa mga yunit sa kaaway ug pagkumpiska sa ilang mga armas. Ang kinatibuk-ang mga giya ug taktika naglakip sa mosunod: Magkonsentra og mas dakong pwersa aron maglunsad og surprisang mga atake batok sa mas maluya, gamay ug himulag nga mga yunit sa kaaway. Kumbinaron ang daghang hapak sa lawas sa matag karon ug unyang mga bunal sa ulo.

Magpalambo og mga inter-prente, rehiyunal, inter-rehiyunal ug nasudnong pagplano ug koordinasyon sa mga kampanya ug operasyon aron mapangahasong papintason ang gerilyang pakiggubat pinaagi sa paghupot sa tibuok kusog sa hukbong bayan ug magpatuman og di-

rekta ug dili direktang koordinasyon sa nagkadaiyang gerilyang mga pwersa. Iisa ang kakayahan alang sa buluhatong intelidyens sa tanang lebel. Magpatuman og mga operasyong partisano aron silotan ang kaaway sa kasyudaran ug sa nangunang linya sa komunikasyon ug transportasyon.

Mingkanap na ang BHB sa tibuok nasud ug lawum nga nakagamot sa masang anak-sa-buhat. Anaa kini sa pinakapaborableng tereyn alang sa gerilyang pakiggubat. Hingpit kining nagpahimulos sa estratehikong linya sa pagliyok sa kasyudaran gikan sa kabukiran ingon man sa pagtempla sa mga taktikal nga opensiba sa usa ka kapupud-an subay sa prinsipyo sa sentralisadong pagpangulo ug desentralisadong mga operasyon. Anaa na ang BHB sa pusisyong makahatag og mga pamatay nga banat sa pwersa sa kaaway diin man sa kapupud-an ug sa ingon iisa ang lebel sa iyang armadong kusog.

Kumpyansado ang katawhang Pilipino ug ang tanan nilang rebolusyonaryong mga pwersa nga dinagko silang makalakang padulong sa hingpit nga kadaugan sa rebolusyonaryong gubat alang sa demokratikong rebolusyon sa katawhan tungod kay nakaangkon sila og pangpulitika ug armadong kusog samtang dungang paspas nga nagkagrabe ang krisis pareho sa semikolonyal ug semipyudal nga nagharing sistema ug sa pangkalibutang kapitalistang sistema.

Nagkahait ang mga kontradiksyong inter-imperyalista ug nagresulta sa mas grabeng porma sa pagpahimulos ug pagpanglupig, walay tupong nga krisis nga may pangkalibutang kalangkoban, kanap nga terorismo sa estado ug mga gubat sa pagpanulong. Mga timailhan kini sa dugang pang pag-isa ug umaabot nga kadaugan sa demokratikong rebolusyon sa katawhan sa Pilipinas ug sa subling pagsulong sa anti-imperyalistang mga kalihokan ug sa pangkalibutang proletaryong rebolusyon. ■

